

որպիսի ձևով հարստահարում են խեղճ գիւղացիութեան, գաղափար տալու համար Քեզ, այստեղ ես առաջ կը բերեմ նրանց ապօրինի գրաւումների մի ցուցակը, որը կազմել եմ գիւղի քէզիսուգայի տւած տեղեկութիւնից.

1918 թւին վերցրել են վանքապատկան գիւղացիներից —

500 հաւ. 1000 հաւկիթ. 20 ոչխար.

100 բեռ յարդ. 100 բեռ եօնջա.

Տարիների հարստահարութիւնից նրանք դիգել են մեծ հարստութիւն. այժմ նրանք ունեն մեծ քանակութեամբ ձիեր, ոչխարներ և գեղեցիկ մի բերդ, որի մօտ փռւած է պարտէզը: Ունեն նաև մի բաղնիք:

— Տեսնճւմ ես գեղեցիկ պողատու ծառերով զարդարւած այգ պարտէզը, — ցոյց տւեց քէզիսուգա պ. Մ.ն, դա Փարաջենք են իւրացրել:

Այսպէս, շնորհիւ Փարաջենց ռանձգութիւնների՝ խաղաղ աշխատաւոր գիւղացիութիւնն արագ կերպով քայքայւում ու զրկւում է ապրուստի միջոցներից: Այս տիւր երևոյթի վրայ աւելացնենք գողութիւններն ու աւազակային ալան-թաւանը, որն օրըստօրէ լայն ծաւալ է ստանում և զգալի հարւածներ հասցնում առանց այն էլ տանջող գիւղացիութեանը: Այսպէս, 1918 թւին Ամիր աւազակը հանդից տանում է ութը ոչխար:

№	Կ Ա Ր Գ Ե Ր	Շունջ
1	Աղքատ . . . . .	40
2	Չունևոր . . . . .	30
3	Միջակ . . . . .	76
4	Ունևոր . . . . .	20
5	Հարուստ . . . . .	20
	Ընդամենը	186

Գ Ր Ա. Խ Տ Ա. Կ

Զիգանից գէպի հիւսիս, կէս ֆարսախ հեռու, մի տափարակի վրայ փռւած է հայաբնակ Դրախտակ գիւղը, որը